


欽欽新書六



欽欽新書目次

第十六卷 祥刑追議四

自他之分九

被黃州金成白疑於跌溺

實曰落水

自他之分十

被平山金死誘之跌溺

實曰被溺

自他之分十一

糾順天趙儒戒中被趕入水

實曰落水

自他之分十二

歐藍浦金應宗掩跡投淵

實曰被打

自他之分十三

山阪被驅坑墜跌溺

實曰折項

自他之分十四

堤岸被擣地跌溺

實曰折項

自他之分十五

死以歐傷誣云自墮

實曰被打

自他之分十六

死緣猝下誘之自墮

實曰折項

自他之分十七

望敵迎觚外於虛觸

實曰折項

自他之分十八

盡力搗籌誘之自撲

實曰被等

第十七卷 祥刑追議五

自他之分十九

斃以毆踢詐云飲酒

實曰被打

自他之分二十

斃以毆撞眩以砒酒

實曰被打

自他之分廿一

斃以毆傷陡云服毒

實曰被打

自他之分廿二

斃於猝或誘之灸毒

實曰折項

自他之分廿三

死於咬壓疑于自盡

實曰被咬

第十八卷 祥刑追議六

傷病之辨一

既受毆擣又觸風寒

實曰傷風

傷病之辨二

既受歐踢又觸風寒

實目被打

傷病之辨三

新受拳毆旋觸風寒

實目被打

傷病之辨四

實受棒毆謂觸風寒

實目被打

傷病之辨五

痕損不明冷卧多觸

實目內傷

傷病之辨六

歐批不猛汗蒸失宜

實目被打

傷病之辨七

斃以搦踢疑在滯霍

實目被打

傷病之辨八

斃以西李應天疑在暑霍

實目被打

傷病之辨九

明以鉏毆疑在食滯

實目被打

傷病之辨十

顯然戮踢諉之飢病

實目被踢

傷病之辨十一

新被毆踢素抱痼疾

實目被打

新被毆踢素抱痼疾

傷病之辨十二

若以毆傷疑在病患

實目被打

傷病之辨十三

年老被擄氣絕無痕

實目被擄

欽欽新書卷之十六

祥刑追議四

自他之分九

被由使醉歸疑於落水

黃州民金成白打文挺樞初檢跋詞曰兩人相聞時

光景乃有賓天龍目觀其言曰成白數三次毆打又曰

成白手執小棒形如鑣柄

是如為

安玄已

段

欲為挽解

反被踢打至於昏倒各自逃散

是如為

又曰挺樞被打小

地大呼嚷嗒回即起立故渠乃携出

是如為

移乙之怒

至及安哥則挺樞之無限被打推此可知

是乎

驗其傷

處則左右脇肋皮脫皮損繫其圓圍大者二寸七分小

者二寸二分俱非致命之傷

是乎遣

審其溺處則葦沙村

通涉之灘水也水深不過五尺

是乎

如被打而無要害之

傷溺水而在清淺之灘事情到此眩惑莫甚試令極屍

人文師詰等作草偶人卧之水中以像其形則自腰以

下沉在水中自腰以上其水漸淺至於頭部著在水滸

水漸之上

是乎

師詰之言曰雪埋頭部只見衣端故按

雪極出

是如為乎

今則腦後髮際小有水痕頭顱面部無

不乾燥口鼻不滄肚腹不脹理所然也安玄已第三招

曰其日黃昏望見葦沙之路問是何人答曰我乃文風

憲今方還家以此觀之此時精神尚未迷亂

是乎

所著

衣袴不知去處想已遠漂惟布襪一隻行纏一隻唐鞋

一隻掛在下流沙石之間蓋此挺樞脫袴涉水手持袴

襪及其昏倒不覺放手

是乎

其日之夜風雪極寒挺樞

以年過五十之人沈醉契酒又喫一棒醉氣憤情一時

棚中黑夜迷程遂忘舊涉誤渡上流縋入水中寒冷逼

身困眠眩暈蹉跌仆水仍卽致死而足指甲之沙泥左

右手之向前合於法文

是乎

實曰

段

以被打渡水困醉

寒逼眩暈致死懸錄屍帳

為乎

金成白

段

以被告錄上

為在

挺樞成白老少懸殊而忽逢下待

言語之間

似稱何暇

又被

毆打冤鬱之心發於醉中乘夜獨歸遂至於此是乎金

成白段向天龍問馬去處在渠有何所妨無端起怒有

此毆打冤厭取為萬二兇悍是乎西廡胸虛多傷處其

色紫黯四畔血瘀此皆折籬為棒肆意獨打者也雖使

強壯之人被打如此決難運身況老者乎及至水邊醉

困氣盡觸寒昏仆苟究其本實由被打是乎行兇器仗

不能拾得茲無圖形是乎覆檢官段以載寧郡守請移

舉行○評曰棗吞鵲突首鼠周章胡至是也被打渡水

困醉寒逼眩暈致死有是理乎被打者無渡水之理傷重

至死以渡水者無無渡水者無困醉之理沈醉則病困醉者無寒

逼之理

醉者不長寒

寒逼者無眩暈之理

寒逼則精神頓清

一剥一

換移步幻形第二節與第一節不應第三節與第二節

不應第四第五節節不應以此斷獄獄可斷乎夫渡水

以下八字是文挺樞自作之孽被打二字是金成白當

死之案觀於實目則金成白者命當半償冤當半伸乃

曰金成白段以被告懸錄豈不斜哉實目既然則金成

白段當以正犯無被告懸錄豈可但作被告人身名乎

究厥所為萬萬冤寧安得為被告乎其色紫黯四畔血

凝安得為被告乎兩手執餅兩腳跨鞍獄其可斷乎

按無冤錄自溺死條曰鬪毆了各自分散或去江河才

經相打尚困乏若困醉頭旋落水渰死其屍上雖有毆打痕損只定作落水致死最便打傷雖在要害處今旣落水身死則是他故致死分明今此文挺樞之死明合此文則實曰但當曰落水致死再不可增附一字其本事根曰別有叙列不必曰落水由於被打也蓋此死人昏夜獨行自意蹇涉則其傷之未甚可知又何以被打為咎乎鄉村暮歸者尋常遇鬼身入水中足不離地遂至昏倒致命者項背相望語雖似恠事本恒有此獄雖非鬼祟而鬼祟曰可講也水中遇鬼法雖不著邪魔卒死明有一條

錄無冤

於水於山於路於室旣為邪魔之所中則不可

曰、法文之所無也、凡遇鬼道死者、其屍柔軟、不鈔按無
寃錄在牀燒死條曰、薰蒸死者、其屍軟而無傷、與夢魘
者相似、則鬼死者之柔軟、明出法文、但於魔中條區別
形證、獨無柔軟之說、為缺典耳、凡遇水死之屍、宜察之
以魔中之證、驗之以柔軟之形、斯可為理寃之一助也
覆檢跋詞曰、今此屍身既經被打、且無溺水、其死幾至
二旬、渾體無不僵凍、而臍胸之外、都無傷處、腹不膨脹
、手甲無泥、叅以證招、被打明白、而既非要害之處、又非
致命之傷、則其死不以是也、若云投溺下流水深、何必
投之於淺流乎、蓋此槌樞始既逢辱、終又被打、醉氣憤

心一時交攻頓忘來時之騎馬又失常涉之故路川流既

廣筋力耗盡幾乎汜濟凍氣撐中酒暈衝上頭旋昏佈

不能更起

是遣

足指甲之沙泥左右手之向前沼合法文

是乎

實因

段

以被打渡水困醉頭旋致死懸錄

為乎

金

成白

段

以被告錄上

為在

不知

老少之別凌辱毆打致

令挺樞不勝憤恚昏夜作行有此殞命○評曰初檢覆

檢魯衛之政也其實因雖或數字差錯大體相合又何

為三檢也皆不可曉

三檢跋詞曰及至川邊既失憤涉之灘迷入黑夜忽陷

生路之水高岸左橫長川前亘涉出無路溯洄轉窮寒

氣倍逼於身上困力自盡於川中乃以顛躄遂至渰死

是如實曰隆以醉聞被打後入水昏眩致死懸錄為乎

水深不過三尺三寸周尺其距常涉之處不過十餘步

是乎挺樞鞋隻拾得於此岸沙田之畔則將渡而遺落

者也節金成白隆以被告懸錄○評曰水深雖淺若其

水廣恰過百步則力盡昏倒容或無恠初檢三檢皆測

水深不量水濶其亦疎矣醉之將醒天寒水冷則其中

寒卒倒亦是常理然則論此事理者宜言酒醉而三檢

之案皆以沈醉為說亦其思未精也

巡營題辭曰此獄所以三檢者初覆實曰既謂之被打

又謂之渡水眩暈渡水頭旋回圖執定不能斷被打自
溺之分也膏肓之痕其肉既軟肺腑之傷其皮僅損因
此致命決無是理若謂之先殺後投則戕殺之跡何如
是輕歆投溺之水何如是清淺捨彼沒痕之深處投此
易露之淺灘有是理乎打者成白溺者挺樞而死由於
溺不由於打則成白已脫空矣諸安是日同被毆打而
若齋憤之心猶有瞑歸之說則息開而歸卽此可明眼合
拳握俱為自溺之驗是乎毆打一節不可不嚴覈縣監
仍定同推官待用刑約日會推為此獄肯綮惟在於馬
匹之來歷貴同之招終始相左國彬之言必有隱情同

推之時嚴刑戮出

為

此獄實目明有無冤錄自投溺條

可據之文而字多又有新頒禁令則令此過十字傳會
曾所未見全沒慎重之體反啓滋惑之端初覆三檢官
刑吏嚴刑懲勵次待用刑著枷上使○評曰健陵晚
年新增無冤錄附注云今後各項自死被死或係有他
遠端難於執定則具由懸錄毋嫌字多蓋此受教也營
題所謂新頒禁令在此附注之前然所謂多字多不過
六七字如所謂被打後將養不效致死以不過四五字
如所謂威逼自縊致死雖曰多字情理明白朝廷亦
何苦禁之所謂禁者如此案之類耳今此三案皆於實目

上面載被打二字首鼠周章兩騎作說其字益多其理益亂此營題之所以貶也然今觀營題亦恐夫子未出於正無冤錄所云自投溺者謂死者有羞憤欲死之心自溺以殺其身也今此文挺樞乘醉入水昏眩卒倒與自投溺者其情千里不同何得以此而為正乎若使使相降為檢官必將曰自溺致死為其失實又豈特三官之此哉茲所謂責人則明也

自他之分十

被擣墮死謗之跌溺
根由差投實因被溺

平山民金延石殺金草同

巡營題詞曰自溺被溺最

難分別不可以法文所載身上無痕口開等證直歸之

於被投溺死

是字矣

金草同

陸

垆役之往赴雖緣延石之

詬辱

方言籌堤碑水日

垆

延石之詬辱初非可死之憤恨則自溺

一歎非亦置疑

是在果

草同不赴垆役延石連日叱辱蓄憤

已久積怒未泄猝遇草同光景可想操刃則刃刺荷杖

則杖擊將何所不至乎忿氣暴怒以身投合轉而推擠

於岸上遂使墮落於水中岸既懸危水深丈餘攀援不

得氣盡致命當日之事如在目中假使草同沐浴之餘

失足自墮則以傍人驚惶之心但當拯救之不暇

是去乙

袖手在傍視若尋常有是理乎車馬三漢俱以隣比之人

且為垆役之伴於彼於此宜無愛憎而被投溺死之說

本係延石之自吐

如是

丁寧納招無復可疑而不幸延石

徑死真賊未露行兇情節無以究覈

是

干連諸人方係

金延石檢所姑未舉論初檢狀無覆檢官延請之說不

審大矣初檢刑吏附過

案此時草同之親屬打殺延

石其檢案跋詞錄在報讎條宜與參考○評曰自溺被

溺形證不同雖其詞證俱備其形證之或違或合在所

辨論此題不信法文不知其可也分別之法在於法文

而先棄法文謂難分別可乎

自他之分十一

糾衆逼儒被趕入水
根由使氣實因落水

順天民趙戒中等打李陽宅

初檢跋詞云李陽宅屍

體仰面則都無傷痕合面則左後肋脇雖有間間紫黯

之色以手捫摩皆不堅硬

是乎

當初事端始出於趙戎

中之不恭及科儒奔避之後其胞弟道中從弟以中追

憤戎中之被打趕到林亭毆打金寅哲

亦科儒

兄弟乙仍

李陽宅自以首鬧之人或恐餘害之及遂乃惶怯而奔

避

是去乙

此時金世江者為治橋梁與村人立於川邊

是如

可猝聞其洞里之人被打於科儒之隊而適見一士人

之奔避挺身追逐

是如

李陽宅蒼黃飛奔之際忽逢追

趕一倍恐慌不分死生投入水中

是如

趕逐之事渠雖

自服毆擣之說終稱曖昧

是乎

伊日繫犯不出於世江

則毆擠情節不可以平問得之是在實目段以避逐溺

水致死懸錄為乎起聞初由於戒中又有道中以中之

作硬終之以金世江之趕追有此溺死之患則世江之

緊犯在所難免三趙之取犯亦當嚴處○按此不言某

人之為正犯某人之為被告今不可考

覆檢跋詞曰實目段以被打投溺致死懸錄為乎趙戒

中段與弟聚黨毆打金寅格兄弟則毆打之手獨不及

於陽宅乎金世江段在渠既無嫌端乃以居隣之義驅

人入水至於致命殊涉叵測喻屍體傷痕皆在合面

則在後追打明若觀火論其行兇世江為首戒中為次

故正犯陵以金世江懸錄干犯陵以趙戒中懸錄趙道

中以中陵糾聚村人龍打科儒終有致命亦涉兇悍而

以中逃縣未捕○評曰實目曰被打無投溺則金世江

正犯無被告矣筆云正犯不亦冤乎且投溺者被人投

溺之名今以自投謂之投溺亦誤

巡營題詞曰無論被逐與被打李陽宅之死實由於戒

中世江乎是如世江之招云大呼疾逐其人自入水中仍

為漂轉故望見而歸噫嘻此何言也見人之溺必欲拯

出人情之常而今世江始既趕逐又不拯救正犯之目

渠何敢辭脊背左右肋脅之傷堅硬如此犯手毆打豈

非道中以中之取為乎然而致命之急乃在頃刻苟不

溺水何以至此此則世江之罪也以中

段

即為譏捕世

江戒中道中

段

為先嚴刑一次取招牒報○評曰夢中

說夢未有甚於此案初檢一夢也覆檢一夢也營題一

大夢也夫檢案所觀只是實目一句實目他人則斯有

正犯實目自已則斯有被告此檢案之大經大法也雖

十人同犯辨其首從以為正犯雖人我同戕別其輕重

以定操縱此檢案之大經大法也觀此三夢之案趙哥

三豪若筮家之兄弟發動金哥一聲如戲場之傀儡突

出雖其恐怖之端本起於他人若夫戕殺之實實由於

自己孰主孰客不難分。劈謹按無冤錄自溺死條曰：聞
毆了各自分，散落水渰死，雖其屍上有毆打痕，損不可
定作致命去處，只定作落水致死最便。打傷雖在要害
處，辜限內令既落水身死，則是他故致死，分明由是觀
之，說使李屍有折脅破腦速死之傷，但其渰溺在於絕
命之前，則其實曰：但當曰落水致死，被打二字不當戴
之於上頭。況其所謂傷痕不過左右肋脇之傍，柔軟熹
微之傷乎？揆以法文，則凡被打深重者，午時當死而已。
時投溺亦其實曰：當曰自溺致死，何者？其命之所以絕
實由於溺，不由於打故也。實曰：雖歸於自溺，若其打傷

之毒明係必死之地則議其罪犯或殺或配無所不可
豈必以兇身之有罪不念此實目之無他哉況以詞證
言之趙戎中乃被打之人非打人之人趙道中趙以中
乃打金之人非打李之人三趙之於此獄既無當矣雖
以金世江言之從背後而追打之則其傷宜在於左肋
右脇手勢然也今此李屍兼有左肋右脇之傷豈皆金
世江之所打乎又其肋脇之傷果為致命之目則理宜
卽地顛踣顧當一道逃奔乎其傷之不深重可知矣大
抵首毆戎中者李陽宅也其打重故其怯深其怯深故
其走疾鋌鹿不暇於擇蔭風鶴皆足以助威當此之時

金世江一聲咆哮、直令人七魄逃遁、是大則入火、是水則入水、本意猶在於游涉、鈍身遂至於墊溺、斯固被逐者之情境、此又與威嚴逼迫、袞冤彌結、蚤夜以思、舉身投水者、其情不類、今若以威逼殺人之罪、加之於金世江、亦非其情矣、當途致死之人、前有逃奔者、而背有叫執者、則法當執之、何者、奔而逃者、非盜則淫、非淫則殺、不問曲直、遮之逐之、必欲其執、而與之、此吾人之常情、鄉村之例法、豈可與用意威逼者比、而同之乎、雖以見溺不救、為世江罪案、彼溺既由於我、逐我情難乎、於彼心從而往、則彼心益急捨而還、則彼心稍緩、此世江之取

以還也。本非我讎，亦非我親。到此相赦，反成泥歟之痕。
於後相從，難免葬魚之禍。悵然自崖而返，不能隨流而
死，是亦宜恕之一端。一言以蔽曰：此獄當以金世江為
被告，而世江亦無償命之法。何則？被捉有可生之理，赴
溺乃必死之地。則避茲趨彼，非世江之所能料也。趙戒
中趙道中謂之詞連，則可以謂之于犯，則不可。營題非
大夢乎？

判付趙戒中獄事

陸

歲月九更首從四變屬之疑案未為

不可而非但末稍行查便成公案家人共犯當坐尊長而
已。曹議以為一人起鬧三人致命遽難從輕誠亦得當戒

中身乙姑令依前同推

臣

謹案一人起鬧三人致命或者李陽宅妻子有自戕之舉也趙戒中還為正犯必有查啓中別般端緒合不可考

自他之令十二

毆傷致死掩跡投淵
根由使酒實因被毆打

藍浦民金應宗殺金致玉

初檢跋詞曰今此屍身極

出不過五日天氣且值極寒入棺出殯姑無變動之色

淺暈微紅有若半醉之狀

是

視其許多傷處都係生前

被毆打至於鼻梁骨上微青之色人中髯裡乾粘之血左

頰之血瘀色右頰之紫黑色以至糞門之突出明是壓

塞而致死

乎是如

氣衝上下其跡昭然而鼻無血水口無

涎沫二數無大小便之痕此則投溺深湫多日洗滌無

恠其然

造是乎

臍肚必不膨脹指爪并無沙泥又其結縛

之處亦無血瘡之痕死後投水灼然無疑

是乎

實目

陰

以被打壓塞致死懸錄

為乎

被殺之場既無骨肉之親

投溺之時又無目覩之人執定元犯雖若疑眩致玉之

所居土室在於山下其北十餘步許只有金應宗草家

兩家相比更無他人隔溪相望三幃之地始有民村高

聲相呼可以相聞

是乎

南至龍湫不過五里所經路傍

無他人家所謂龍湫量以針尺長一百四十一尺廣四

十七尺深五尺在於山坂之下傍無人家

是乎

致玉本

是酒妄應宗數與爭詰者卽應宗兄弟之招也乃者致
玉除夕沈醉酗辱孔慘應宗之母不堪其辱至於痛哭
應宗兄弟以死相關彼此高聲進退相關越自初昏至
于夜半寂無人聲隔溪村人無不聞之應宗兄弟之并
力行兇不聞可知是乎奪其衣冠委之路傍假作虎咬
之形欲巧反掘人孰信之隣里騷動遍行搜覓伊其兄
弟偃卧不出正朝之日人皆成服省其墳墓拜其親戚
伊其兄弟昏昏晝眠不省人事抑獨何故半夜行兇五
里投溺力盡而睡其跡莫掩金應宗

陵

置之元犯金宗

甲 陵

置之干犯

是在

渠若理直一室之內三人之招必

當如一而應宗夫妻及明甲所言各自不同半吐半吞

是乎

應宗之妻金召史以妻證夫雖曰未安覈實是忌

常例難拘不得已推問

為乎

屍親金陽才呂光玉恬不

動念不即告官有關風化不可不嚴治懲勵

覆檢跋詞曰俯壓之時無他者證眼目腮頰亦是緊要

之處則致命之本於被打灼然明白故實曰以被打致

死懸錄

為乎

曲躬結縛殆若負磔之狀委其衣冠儼作

遇虎之形元日之白晝爛睡可驗其連夜不寐其死行

兇不言可知元犯以金應宗書錄干犯以金明甲書填

為手

應宗妻金召史

段

不但以妻證夫終涉未安若非

嚴杖究問必難最服故不得推問

餘與初檢同

○評曰初檢

之云壓塞致死詞證既闕形證不明特以其傷重皆不
深重故以理推之曰壓塞致死此不無傳會之嫌故覆
檢去壓塞二字然初覆檢之不相漏通法禁至嚴今壓
塞二字本無詞證覆檢官胡乃曰俯壓之時無他看證乎
竊見初案明若觀火是其疎處也

判付曰接屋居生只有應宗乘夜闌閑亦是應宗而當晝
閑寢先期自避俱被隣里之疑未免形跡之嫌此獄正犯
捨渠而誰然而致王之常時失性渠既熟知况以九寸之

親同居一場之內其所親厚非比凡人

是去

因一酒後之

狂酗至有夜半之戕殺揆以常情終不近理必得可據之

公證可執之真贓然後獄情無疑晦之慮犯人無稱寃之

端

是如

應宗明甲等

乙良

秋巡時親執詳覈鉤得實情狀聞

自他之分十三

山根

坂

被

毆

坑

墮

實

目

折

項

高陽民李起宗等殺李景耆 覆檢跋詞曰李景耆屍

體背後耳下雖有許多痕損率皆畧細都非致命之傷而

項頸之蹲縮柔軟最為異常左右欹傾殆同無骨扶而

起之以手搖之則隱隱有聲若咬牙此實頸骨折傷

當下致命之明證

是乎

以

實目

證

以折項致死開錄

為

手

旅

等

以

實

目

證

以

折

項

致

死

開

錄

屍在薨卽山下平地距山上為九十步是乎以其地勢

想其光景則暮夜之中前者避打趨下後者追奔至此

而或摔或打以致折項是乎伊等招辭專事掩諱此邊

所言亦無指的反覆盤問元犯難定第以事理推之李

起宗之狠毒猖狂最是首惡打推擬轉既去復來則甘

心殺人於此可見分此兩夜奔走倡論糾黨其身之口

招明白衆中奮迅苟殺當先薛霖等目覩丁寧是如景

考之致死既由於衆人之伐喪衆人之伐喪實由於起

宗之首倡則執定元犯當以首倡者為主是乎正犯段

以李起宗懸錄為乎李大成李鎮英以下十二人外面

形跡雖或有淺深之別伊時事狀均之為隨從之人並以干犯懸錄

巡營闕詞曰李景菑獄事陸一人致命五囚拷訊實非

欽恤之道其中李大成李鎮英李育碧陸半年滯囚屢

次刑訊亦可以懲其罪並只特為放送

本道審理啓曰此獄疑端實在於未執真贓硬定元犯

是白如乎蓋一村齊發衆人同聲昏夜疾逸棒椎亂下則真

是諺所謂衆瞽之杖誰某先犯何以知之考於屍親之

招而明證不立叅以諸人之供而實犯無著是白乎則其

作頭伐喪雖是起宗但以首倡之故直驅元犯之科終

近臆決有欠審慎

是白如乎

本案所載李得宗巖崖跌落之

說雖非宜信之言亦不能無疑故

臣

於過路歷見李景

考致死處則山坡峻高巖崖陡絕而當初屍身僵在其

中觀此地形想其景像景考欲避棒椎脫身奔突坑塹荒

谷未可明辨顛頓撞撲其勢必至時值添夜咫尺難辨

不知不覺之中跌墮巖崖之下實非異事

是白遣

雖以傷

痕言之肋脇之痕損耳輪之皮脫傷非當下致命之傷

且於項部毫無外損肉色如常則其所折項安知不由

於跌傷乎謂之摔曳而初無明證歸之於毆打而亦無

的驗則景考之死雖曰折項其所折項莫知其由假令被

毆被摔

是白良置

當時毆逐非止起宗一人則誰手致傷從

何區別凡係殺獄苟有一分疑端不當遽然決折况於

此獄乎罪疑二字王為此設

臣

反覆文案晝夜料度

是白

乎遂以伐喪之首倡歸於殺獄之元犯恐非審克之道

是白

○議曰道臣設疑雖若有理既謂之巖崖墮跌則

當於屍帳亦其實驗無冤錄擲死跌死條云自墮者其

力在下所傷多在腿足及臂若被推墮者其力在上所

傷多在頭面及兩手腕誠以自墮者必自惜故下體先

落被推者出不意故上體先倒其勢然也此獄屍帳取

執痕損都在於背後耳下而實曰則頸骨中折也法文

所云腿足及臂皆無痕損。雖曰墮崖必非自墮。豈可徑議其從輕乎？設令自墮。又與有意自戕將身自墮者。其情不同。何也？背後喊聲大起。脚下坂勢陡急。被驅如流。尤避害如逢虎。是火則投火。是水則投水。漆夜窘步。遂至墮坑。此是被驅而墮。非自墮也。賊兵被驅墮於坑塹。則功在主將。良民被驅墮於坑塹。則罪在首倡。昭然矣。是日伐喪之軍。無慮數十人。主其旗鼓者。非起宗而誰也。數人同毆者。猶可以手犯之。輕重別其首從。此則發軍成隊有同戰伐。尤有死傷。責在元帥起宗之遽議從輕。不可曉也。或以人主好生之德。差別於手犯之

律則可矣執法之論不當然也

自他之令十四

堤岸被擠募地跌墮
根由爭財實因折項

安義民林碩楨殺林光一 本道啓曰碩楨饒民也光
一貪族也爭錐利於五年之久肆聲慙於州錢之微抱
脚爭詰之時挑動憤憾執髻顛拍之頃斷送性命而李
順三之招以為眼或開閉口或領頤摹出折項即死者
滾急光景則光一之死實由於碩楨之手嚴訊得情何
如

別諭曰安義林碩楨之獄始因橐裏州葉之錢忽斷堤上
千金之命外面驟着情節切憤而大凡獄情不出事理之外

方碩禎之逢著討債也。光一突入抱脚至以殺我之說直為肆惡之舉則碩禎一番手擠容或無咎。忽地墮落曾是。不意及其墮落因此折項又非所料。觀於墮落後要順三搜錢一段可知。然則手擠無心也。墮落不幸也。想其光景殆近邂逅揆以常憲雖難遽議此等處不可不原情定罪。碩禎刑放。

臣謹按林碩禎之罪宜作三層者。擠一層也。擠而墮於堤一層也。墮於堤而折項一層也。料其折而擠之則厥罪當死。料其墮而擠之則厥罪次死。擠之而已則不中徒流。聖意蓋以為擠之而已故厥罰止於刑放。此服

念之精義也

自他之分十五

死以敵傷証云自墮
根由爭財實曰被打

義州民金興雲殺李召史

初檢跋詞曰左肋血瘀堅

硬此是致命要害處實曰以被打致死開錄

為手
孫李召

史當下氣窒顙仆房中着證之招明白無疑

是去
乙興雲

敢生死中亦生之詐乃曰李召史自墮階砌氣窒致死

是如為
半乃

當李女執鬚打頰之時豈有順受而不犯乎金

興雲

段

以正犯懸錄

判付曰蓋此李女左肋之傷明是興雲右拳之毆顙卧之

說既有立證步往之說又已落空揆以獄體更無可疑取

謂李女空中涌身自墮階砌者明知其全出歸諍而女性
多褊獄情無窮興雲房戶之前果有何許階砌而方其自
墮之時亦有別般着證之人是隱喻人之死生亦大矣按獄
之體取貴詳盡此一款更令道臣嚴飭推官詳查報來後
啓聞

本道啓曰房前之階未滿二尺庭中之石不過一拳

判付曰砌石圖形亦非致命之地依前訊推期於輸款

臣謹按被毆者其傷多在左邊御判首以左右斲

之此服念之要義也

自他之分十六

死緣
根由
損財
實因
折項

黃州民尹成太殺王執廷

初檢跋詞曰今此屍體死

已五日而項頸高其色青黯以手按之皮骨相離隨指有響以手搖之殆同無骨左傾右欹宛如瓠瓜懸蔓之

形

是乎等以

者證金德中之招曰成太執執廷髻子忽自軒

上摔下庭中正犯尹成太之招曰執足挽下數次蹴踏

是如為

卧字所

今見李荃外舍樓軒不過半間自樓至階以周

尺為二尺二寸自階至庭為一尺九寸則其高半丈也

假使無心而跌墮猶當折傷况乘憤而打下者乎○

評曰此詞方聲明犯人之罪乃曰假使無心而跌墮猶當折傷是開犯人脫空之路也豈聲罪語乎人自半丈

樓上無心跌墮必其兩手據地無折項之理也

判付曰積憾於水軍之代定惹鬧於身布之替徵手勢話
頭轉益處猛半丈高樓橫拖倒曳折項致死勢所必至正
犯初覆檢招辭可謂爛熳自服而外似輸款內實售奸二
三為說終不吐實及夫時月稍久乃敢一反前說歸之於
失足自墮究厥情狀尤為巧惡依前同推期於輸情

自他之分十七

望敵迎敵小於虛觸
根由使酒實曰折項

延安民朱貴接殺李東贊查官報狀曰痕損狼藉明

是蹴傷之跡詞證俱備皆傳死者之言

分此
不喻

貴接亦不

能全諱初則曰推擠岸邊而蹴項與否醉不能記中則

曰拳撞其腦而乳下一處果亦手打終則曰拳撞手打而又打其腦下既與聞開而重傷其項頸何敢圖乎再推之後忽又變詞是乎朱貴接之為正犯斷然無疑評曰竊項則項必有痕胡無所論

本道啓曰大凡殺獄傷痕雖有許多實目不過一處今此李東贊之實曰明是項頸折傷則諸般打踢之痕姑捨勿論原初折項之由宜先理會是乎孔世俊以最初

緊證身聽死者之言其言曰我先以頭欲舐貴接未及

舐觸自顛於地又曰以頭欲舐虛舐外地是乎蓋

貴接向崑而東東贊據崑而坐望見其來忽然起立初

若曰頸而俯觚乃忽虛觸而自小其身既從高而跌下
其勢必委身而倒地項頸之傷在於此時然則東賁之
項折非必貴接之手犯特其仆地之後拳踢隨加此傷
彼折人我莫別重以兩人共醉各不省事非但死者之
不能自知抑亦犯人之不敢自明是白如乎向使東賁雖不
折項其他痕損難保必生是白乎矣第念斷獄之本實曰而
已實曰苟有可疑獄體終難完夫是白以乎茲敢拈出疑
端妄陳愚見是白乎矣傷處既甚狼藉詞證又皆雷同惟輕
之典不敢遽請依前因推祇俟處分是白齊
判付曰貴接來問東賁之家卽此獄緊情則屍親初招中

不以槩見者果何委折

喻是隱

彼此皆不勝酒主客互相撞

腦秦楚之戰得失惟均蜜觸之鬪勝負何居方其貴接之
挺身有此東貧之引頸而扶執之世後未免放手不知不
覺之中滾下於側豈滑淡之地則東貧之折項非貴接之
取犯其他傷痕雖甚狼藉實曰既是折項則以此償命果
涉凌遽卿等更加論理回啓 曹啓闕

判付曰貴接直前東貧撞著而柱脚既不堅牢轉睛又不
端的於此於彼可東可西此取謂易地則然在朝家審克
之政不可以此硬定元犯朱貴接身乙加刑減死定配

臣

謹按貴接初招既有推擠之說及其再招又有打腦

之語及獄既老乃粧虛觸之說以為求生之計恐不可信直以沈醉中事恕以無情則可虛觸自外至於折項則臣未知合理也

自他之分十八

盡力據等語之自據
根由敘發實日施等

新寧婦河玉瞻殺金召史初檢跋詞曰蓋此獄事本以一箇磁器轉成兩女闖闕妄復之性遂至傷命以妹殺姒人倫之變也而敢款私和不即發告獄老生奸變詐多端是如蓋此兩女之教誨非一朝一夕之故平日不和含毒蓄憾厥惟久矣不分生死手勢交亂騰搗足等何所不至一顧一佈彼強此弱屢搗之時連呼咬呀

左右看證既皆目擊則河女之為正犯十分無疑

是乎

其夫踢脇

河用宅

多出諸招兩肋傷處亦皆昭著此或為

疑貳之端

是乎

河女之等氣銳於逞毒其夫之踢意在

於鮮聞傷之輕重推此可知

是乎

觀其聞場小小尖石

間間鋪地

是如

相抱顛仆之時下觸尖石上受壓等腦

背之磕擦胸膛之皮損職此由也醉閑之傷遂為內損

口鼻血流穀道糞出舌吐腹脹俱合於無冤錄醉飽時

壓等條

是

試用銀釵其色不變

乙

實曰

陵

以被等致

死懸錄

是

正犯

陵

以河石史書填

是

河用宅

陵

妹

如之間不能善處兩次之踢既出諸招則干犯之律在

所難免

是乎

金召史

陵

人情雖愛少女家道宜重冢婦

乙是去

愛憎或偏扶抑大過女恃其寵婦懷其愠升豆丰

菽俱作禍階破盞歆盞皆為亂本亦不可無罪

是乎

屍

親金慶鈺朴白龍

段

或以親兄或以近戚妄欲私和無

意報復初既曠日終又乞葬揆以人情亦宜嚴懲

是乎

覆檢官

陵

以求川郡守請來○評曰近來檢跋皆於起

頭備說痕損屍帳所列無論緊慢再述一遍甚者都把

屍帳付之先天但以跋文自作一篇此不但獄體疎舛

抑亦文理重疊能者之取當避也然傷痕雖多自有致

命之傷通論諸傷歸重一處然後實目可定正犯可執

雖一人獨犯而打其脅搥其腦者脇傷重則其實目當
曰被打腦傷重則其實目當曰被搥斯不可不辨也若
兩人同犯而金以打李以搥者打傷重則其正犯當曰
金某搥傷重則其正犯當曰李某斯不可不辨也今此
跋文乃於傷處全事濶略欲脫俗套反拔精英河女所
犯但云膝搥足等而搥何處等何處遂無所論方圓長
廣雖載於屍帳妹搥兄踢都湊於脇肋則明被其一气
執之為正傷斯亦可以濶略乎外傷旣明不必言內損
搥等旣明不必言醉飽而掩泥帶水左摸右撈有若痕
損不明而乖諸無形者然不亦感歟 妻與妹閑扶抑

兩難妻雖百是妹雖百非其在體面惟有打妻以解紛
而已河用宅之一番足踢此俗所謂人事調也塞責調
也豈至於深觸而重傷乎以此生疑錄為干犯終上論
罪亦未知其善察人情也此取謂妹姒於古無文當
改之曰妹嫂

覆檢跋詞曰妹姒相殺係是綱常之變

節

自撲尖石之

說雖出母女之招取謂尖石不過小小沙礫

是

自撲其

身必不至死搥胸致死明若觀火者證之招如出一口

按摩之驗若合符節

是如

胸膛之下右乳之上左右之

肋血癰狼藉

是

血吐鼻血又與無冤錄壓筭條沕然相

合故實曰陵以被箠致死懸錄正犯陵以河玉蟾書填

為子金呂史陵以姑證婦雖若法外今此妹姒之相關

原於姑婦之不和故不得不如例取招○評曰傷處雖

多犯者惟一則何處之重傷何處之輕傷雖不甚覈猶

之可也例見法今此獄事兄妹同犯主客宜分豈可若是

其囹圄乎胸膛乳上左右之肋列如屍帳而以武斫之

曰玉蟾為正犯玉蟾其伙乎用宅之鮮聞也打而分之

蹴而起之則打有所著蹴有所觸豈遂可食者乎議獄

如此何以無疑意此屍帳其傷痕損痕都不分明故初

檢覆檢方圓尺寸都無所論然既有血瘡則血瘡獨不

可以尺量乎堅硬則曰堅硬柔軟則曰柔軟而尺量未
可已也若使血癢模糊漫漶不可尺寸則當據實言之
曰模糊漫漶不可尺寸而初檢取云內損醉飽等說正
合援引既不為彼又不為此以武斷之曰被等致死豈
不踈哉且取謂綱常者君父夫為三綱父母兄弟子
為五常妹姒非綱常也

判付曰金女致命之端只在于酒飽壓筭二者之間而已
屍親看證皆曰飲酒則醉飽明矣乘醉抱人委身自外則
勢必在下彼亦隨倒勢必在上於焉相搏觸傷要害理取
必至

是乎

如

玉蟾招中蒼黃隨仆於腹上不知觸傷於某處

者卽其實情壓等亦渠自服執此二端細究情理死在避

迨實非故殺如法償命大非審克之政

是

且聞前伯之言

前伯謂
前監司

亦嘗起疑於此雖有由我之罪宜付從輕之科玉

蟾身乙加刑一次定配

為

獄中懷孕已至五朔而瞭然不

察目仍訊推寧有如許獄體萬一致斃於杖下是一獄而

殞兩人之命後弊姑捨殘忍甚矣事足干和情亦切則當

該推官新寧前縣監拿寔

欽欽新書卷之十七

泐水 丁鏞輯

詳刑追議 五

自他之分十九

覽以敲錫詐云飲酒
根由爭財實曰被打

安岳民李振春殺柳彥廷 覆檢跋詞曰實曰以被打

致死懸錄李振春 段 相關在於夕陽致命在於初夜則

雖有強辯之舌難免殺越之名正犯 段 以李振春懸錄

金宅孫 段 披髮之兒謂有捉蟹之行崩城之妻謂有飲

酒之意做出巧言欲為立證尤極痛惡

本道啓曰大抵此獄以言乎實曰則胸膛上下之紫黯

堅硬脊背右傍之血瘡堅硬最是當下致命之處以言

乎詞證則李東連李夢長李國亨等或云被打之說一

村皆傳或云摔曳之故面有血跡或云推背歸家頭髻

散亂此皆伊時叅證之言則實因詞證已歸脗合被打

致死十分無疑

今此不喻

又况損金而私和尤為殺抑之真

賊使彼派春如無手犯則初因三文錢之不給以至殺

越之境後豈五百緡之輕擲欲掩不關之事

是乎

其言

以為恐怯於屍親烏飛之說牽掣於里人誦集之論

是

乃使其心而白白無暇語本事而昭昭易辨則屍親託

何事而索賂里人生何怯而勸和乎此所謂頭面欲掩

手足已露也其所粧撰豈不苟且彥廷本以孤弱之蹤
寓於諸李之村性又使酒人皆厭疾振春以其族盛之
人無操里中之權前後左右莫非親黨今於殺寢之出
扶柳者以助李者多隣族並起蒼黃奔走或私和之勸
成躬運賂錢或計書之偽造退定日子璠縫之計益急
掩護之跡愈彰周旋之辛勤雖託村無事之說舉措之
慌忙顯有箴不得之態遮鑣之計未免齟齬偷鈴之賊
不覺綻露尤見其彥廷之死實由於振春之手是白
以捉蟹飲酒之說把作今日藉口之端是白此皆成春
輩之慝惠乃有覆檢招之做出是白及其更覈奸情莫

掩則捉蟹便屬鳥有飲酒自歸水消是去乙猶且斷斷藉

以鳴冤者可知求生之計至於捏無之舉是年取行兇之

跡既如彼無疑傳生之端有不可舉論依前訊推期於

得情斷不可已令該曹稟憲是白屍親母子段致死三

日始乃發告貪懲讎人之貨全昧戴天之義罪閔倫紀

有難容恕而曾已刑勵不必更論是白吳召史段以此

無疑之獄上誣聽卑之天不可以為夫訟冤置而勿

論自臣營從重科治是白○評曰此案別無可觀惟其

詞理條鬯特錄之

自他之分二十覽根由訟撞腦以硃滴

鎮川民朴師晦殺李靈常

初檢跋詞曰今此屍身合

面之後肋傷痕既甚廣濶亦方浮高皮膜相離隱隱有
響與無寃錄打傷條洵然相合第念色雖青紫既無瘡
痕形雖浮高不至堅硬不可以此執為致命之傷

是乎

金重協之招曰朴師偃手自抱持灌以米泔以趙尚玉
以為飲適李靈愚以為服砒

是如為
字矣

三日不食之餘真

若服毒其何能作氣除草用力行步乎腹部既不青黯
而膨脹口眼亦且緊閉而乾燥則服毒之說卒無明驗

是如

靈常以至貪之人當此窮春朝夕絕火及其被毆

之後不勝憤痛三日不食氣力斯盡更見師晦恚憤層

激將欲執鬚忽地垂盡

是乎

實目

段

以被打後忿恚不

食氣塞致死懸錄

是乎

致死之日其妾方召史饋以麥

餅飢腸喫硬慮其滯塞氣絕之後灌以米泔揆諸事理

亦或無恠

是乎

正犯朴師晦

段

見其絕命先以逃躲乞

飭鎮營期於捕捉

是乎

其第三人亦皆逃走第二師並

僅為捉得其兄去處嚴杖究問終不直告

是乎

屍親李

啓興之招曰其父被打時著中衣有血染之痕故當場

取見只有黃赤數點○評曰此獄實目可擬者多一曰

被打二曰飲酒三曰服砒四曰忿鬱氣塞五曰飢餓氣

絕六曰食滯氣壅凡此六症雖皆臚列宜於六中執其

五症條條劈破明其不然乃執其一以定實因卽斷獄之法也今此跋文平列六症取其三四混合牽連以作實因其餘數三既不取用亦不劈破將信將疑如取如捨天下其有是乎且此六症之中被打一條爲人作之孽其餘五條皆自作之孽人作之孽宜有正犯自作之孽宜云被告今其實因混合三四而朴師晦則執之爲正犯其無冤乎飲酒服砒皆無實驗既無實驗自歸誣招既知誣招應覈奸謀今也但錄其誣不覈其奸知獄者如是乎當場檢驗聽言觀貌必有破羣疑執一真之道國圖吞棗胡至是乎

覆檢跋詞曰仰面胸膛合面脊背及左右腋肌肉色紫
赤按之柔軟指以點起白色卽見此屍身之變動也右
邊額頰紫赤之處按之柔軟指以點起仍然紫赤此被
打之痕損也右後肋血瘀紫赤處按之微硬指以點起
仍然紫黯此方是傷處也論其部位額頰後肋雖係要
害參以苦招死者牽痛恒在項肋則方其摔也額頰受
損方其擲也後肋觸傷

是字

額頰既無硬意後肋乃黯

且硬此是致命之傷也實目

段

以被摔擲傷損致死懸

錄

是字

處常以飢餒氣乏之人當師晦悍惡之手一被

摔擲當下氣絕自此扶歸委頓廢食畢竟致命在於三

日之內則師晦於此何以脫矣扶歸之日先以逃躲則渠之所犯斯為證矣况其要害之傷如是著顯者乎議捕償命斷不可已至於鹽鹵砒礪之說處愚父子極口發明

除令良此

試用銀尖微變即去則初無可疑不足多辨

○評曰此跋化之初檢不啻破竹斷獄如此亦已難矣然摔者執髮而曳項也擲者把身而投地也傷在項頸而其傷由摔則當云被摔傷在肋脇而其傷由擲則當云被擲二字之中宜執其一兩手執斃謂之被摔擲可乎既用摔字則項骨之有無折傷宜亦明言但以額頰之傷無應摔字可乎此其疵也且傷損二字豈非衍文

被_レ打不言傷損被_レ踢不言傷損何此被_レ摔擲者必言其傷損乎贅矣

三檢跋詞曰暑月之屍既經十日肌肉腐消虫蛆亂動

此下似有缺文

外皮微堅此為可疑既無顯痕有難輕斷

是字餘

以言乎詞證則被打之狀苦主亦云不見但以生前之

叫痛知其闔場之被打

是字如為

雖以金晚奉為叅證

是字

乃

晚奉於此亦云不見一向發明無一可執

是字

被打

三日遂至於致命法當成獄

是字

疑晦之端亦合舒究

乙仍

真若廢食真若叫痛何能於死日之朝躬自除草

乎何能於師晦之來直前把鬚乎若於此時或有師晦

之手犯而卽地昏仆則春覺以其至親何以謂之無是
乎方其昏窒之時方召史灌以米泔抑又何意乎蓋此
處常以抱病至貧之人當此窮節飢餒氣斯略被手犯
以致添病把鬚更詰氣盡神昏因以致命明白無疑

乎是

以等
實目

隨

以被傷飢餒氣斯致死懸錄○評曰覆檢四

檢傷痕明白奚獨於三檢之狀都無痕損乎聞腐鼻而
回鼻見虫蛆而合眼徑謂之無痕也審矣一言以蔽曰
虎身之逃已在初聞之時則傷之深重推此可知特以
此獄奸竇交穿譎妄相縈或稱飲酒或稱服砒或稱除
草或稱灌泔或稱絕食或稱喫餅語皆矛盾情以疑亂

原初屍親亦不無約和掩跡之招故其眩惑如是也此等處宜執大賊以破群疑何謂大賊兇身之逃在初也

死後逃則其情差輕

四檢跋詞曰暑月之屍既經一望腐落無形便同骨檢

而仰面

段

膏臆近左血癢處色黑而微硬

是

心坎上邊

左右骨赤黑而微硬

是

合面

段

左肋脇上下色黑而微

硬

是如

惟此四處豈非要害必死之傷乎檢驗之法雖

日月既久其真正傷處例不腐爛亦不色變

是

如

今此

屍身腐爛已極全身上下一色乾黑者檢無路謹依無
寃錄多取新汲水半日淋洗則向之乾黑者盡成白色

無異新屍微癰細痕無不畢露上項取論腦腔心坎肋
下脇上其痕明白其色顯著不但血瘡微硬宛然肉色
赤黑若非冤痕不消天理本然則滿身黑色盡變為白
此獨數處依舊不變有是理乎雖以正犯之招觀之田
溝爭水渠亦自服觀其狀貌極其頑惡既與相爭寧不
犯手正犯則曰不打屍親則曰被打於其中間無一叅證
許多奸誣以此眩亂是乎被打三日遂至致命既死一
望尚留傷痕除分此良致命之日即地逃避抑何故也雖曰
服毒口中殺道及項下腐傷之穴挿入銀尖色久不變
服毒之說自歸落空是乎四處傷痕明白無疑實曰段

以被打致死懸錄○評曰三檢於此知取愧矣腐爛之
屍初不淋洗隱伏之傷徑云無痕歸之於餒死不亦寃
乎但覆檢云亮身之逃在扶歸之初此云亮身之逃在
致命之日未詳孰是

本道啓曰此獄

段

打擲致死不出三日之內要害被傷

蓋著四檢之後始則脫身而逃縣末乃借口而疑亂種
種真賊節節綻露窮人之抱寃固已矜惻老獄之生奸
尤極痛惡

置是

白

方今嚴訊期於納款

判付曰朴師晦獄事

段

屢度詳看疑晦多端始曰檢驗之

失實而實曰屢搜終曰屍親之私和而獄情忽眩外面驟

者固多起疑之端細究服絡不出料量之中

乎是如

大抵好

生惡死人之常情服毒死自縊死自刺死是豈人人所易辨哉况靈常以有室家無故之人無服鵠毒自戕之義則雖家藏滷汁囊置砒屑初豈有一勺水取飲之理哉當初趙尚玉李春覺輩以滷水砒水等說互相和應者已惹畢竟服毒之漸特無術以實之於是以死中求生之計符同方女慙患方女獄中勸食厚意難孤家間養子暗逕可想然猶不欲顯然營護以露私和之跡故以一器半器之說依俚說去置之然疑之料復以李震變一人援證其夫之服毒及夫李靈仁之招出而其造言之階梯絕原其設心

節節巧惡當下致命之痕既如是分明元犯粧撰之供又

如彼違錯則此獄固當斷之以償命不當歸之於傅生

隱是

乃朝家每於折獄若見一二分執疑之端輒令更查或酌

決者槩不欲自信已見耳此獄服毒之說勿論事之虛實

言之真偽成獄幾年致此葛藤則不可以獄老生奸置之

不問更令道伯別定剛明官詳查具意見狀聞

為有矣

鹽水

一節方女之外或有他人之叅見者

是隱喻

反覆窮詰期於

究竟之意一體分付

為

道伯檢官推考事依回啓施行

本道查啓曰蓋此獄事實曰懸錄雖有參差被打致傷

大體皆同雖以元犯之招觀之當初相詰渠亦自服相

詰則相鬪相鬪則相打勢所必然矣必問矣撞之等之
既出屍親之供打我辱我又晚奉之證寃身之死果
誰由也若云服毒滴礮二字卽是過去之說若云食傷
麥餅一尾又非閑格之物趙李酬酢既如彼虛謊方女
供辭又若是明白曰毒曰餅不必再論是白鄉廳飲藥
之說莫掩符同之跡田畔除草之語不過錯認之致觀
於震變之招春覺之供足以覩破是白且所謂服毒之
說本是亮人之例套初非苦主之宜言是白今此方女
做出無根之說致令讎人藉為救活之資予之會則欣
然甘受託其子而恬不知愧背夫忘讎之罪不可不懲

年建
旅白

正犯之一向糝撰極為巧惡依式同推期於輸款

進為
白

震燹之綢繆倡和情狀可惡自

臣

營從重勘處

白是

齊

判付曰鹽水一節最屬疑晦而觀此查啓方女背夫之罪
節節難掩震燹眩獄之罪一一自服其餘諸招無不歸一
師晦於此焉適當律但致死人處常被打之越三日躬往
春覺之家手鋤南草之田遂以其日致命者殊為疑端

是去

乙道伯查官皆無一言盤覈論以獄體疎漏甚矣道伯推

考查官從重推考中飭推官使之詳問報來更為狀聞覆
檢三檢本道之題一不載錄亦難免不察此意一體嚴飭

臣謹按此獄到此可無疑矣 聖意猶不忍遽斷者蓋此死人本是飢餒奄奄之人輕輕一打猶足致命故疑其手犯本不深重取以求生於必死不忍遽斷也倚歟盛矣

自他之分二十一

覽以毆傷徒云服毒根由爭山實曰被毆打

安岳民景致光殺黃彩圭 初檢跋詞曰實因毆以服

毒致死懸錄景致光

毆

以被告入懸錄

詞云

身無被毆痕又云銀釵打

變色

覆檢跋詞曰左肩胛紫色成瘡處右後肋紫赤成暈處明是被打之傷也左肩雖係歇處乃自頰下直抵肩

皮肉若是浮高此必肩上之毒氣蓄積向上而然也法

文曰雖歇處重傷則死老殘之人有一於此固可致命

況肋下之傷亦在要害實目段以被打致死懸錄為平

頂心顛門血紅完然是如法文曰凡傷下部之人其痕

皆現於上又曰腎囊傷破顛門血紅此是檢驗之本理

故腎囊諸部別加審察無他顯著之痕恐是後肋之傷

上作顛門之紅是字叅以諸供彩圭之死專由致光是去

乙敢以不見不打一直發明是字受昇者實犯之斷案

也行賂者生怯之本證也雖欲粧撰其可得乎正犯段

以景致光懸錄景太英段係是以文證子故不得取招

○評曰頤門發紅者腎囊之脉直由督脉督者聚也衣後縫曰聚

上達腦袋故也腎阜雖無傷處若於肛門之底陽莖之根或被足踢則外雖無痕上必發紅今乃曰後肋之傷上發頤紅則非理之疑也左肩右肋既執二傷則其論當曰左肩之傷部位雖輕却被重傷右肋之傷傷痕雖輕本係要害兩傷合毒難免一死如是則事理明矣今此取論似次明核

三檢跋詞曰今此屍身已經兩檢為日稍久仰面之左肩胛上紫黯處圓圍已過七寸按之堅硬明是打傷是遺合面之右肋脇下青黑色炮胗雖曰不起比他腐處似

亦有間

是乎矣

若主之招曰彩圭生前痛其腰脇

是乎

如為

屢以法物多般澆洗而按之柔軟別無血癰似不可以

傷靈執定

是乎取

致命之傷左肩而已彩圭平日畧有款

嗽之症年過六十已成老殘之物雖被輕毆猶足致命

乙是法

况以松木之棒重打肩胛者乎法曰雖歇匙被打

至重者傷靈紫黯

乙仍于

實因

段

以被打致死懸錄

為乎旅

景致光

段

聞人偷羹糾黨持棒及其上山逢人即打亦

是賤流之常事

是連

且以就三之招觀之致光先打就三

次打而就三之面部傷痕至今顯著

是乎取

昏夜亂踏之

中諸人四散彩圭獨在顧安得辨其老而捨之乎正犯

段
以景致光懸錄○評曰三檢單執左肩之傷精核可
悅

巡營題詞曰黃彩圭雖年過六十上山往來無故致命
有是理乎景致光雖以初不見面縷縷發明聞有偷葬
之變惶急上山不問老少逢人必打自然之勢也致光
之為正犯明若觀火乙是去初檢謂無傷處乃以服毒致
死為之實曰豈不可訝服毒二字觀於諸招都無苗脉
之可尋傷痕二處觀於後檢皆有形色之難掩乙是去如
是違錯抑何委折當該刑吏嚴刑究問次星火挺上為
覆檢三檢其實目被打若是明的則此獄正犯更無疑

端

不令喻此

昇病投託順受不拒則其有犯可知也賫送錢

貨以冀無事則其有犯可知也彩圭嚷嚷之聲訖三聞

之既詳則其被打可知也獄情到此更無可疑覆三檢

官約日會推窮詰取服黃彩中之潛受賂物張紅燁之

居間緩頰不可無懲並刑推一次放送

為

覆三檢之實

目執定雖是明的不試銀釵未免踈漏兩檢刑吏亦姑

附過

本道查啓曰此獄

段

以言乎實曰則既云被打而遍身無

痕或疑他崇而銀釵色愛則初檢所以不得不以為服

毒懸錄

是

白

論以覆檢則肩上血瘡元非速死之傷痕

脇下紫赤乃為致命之要害

乎是矣白

及至三檢稍歇之肩

痕自在最緊之脇傷無跡

乎是白

則所謂實因不可謂之

明的矣以言乎詞證則俱是屍親初非公證而移中取

辰之招初檢則曰左脇被打而未嘗言肩胛及至覆檢

始見右肋之紫赤左肩之血瘡乃言被打後痛處在於

腰脇亦在肩胛以第以子而不辨傷處之左右覆檢三

檢而輒隨檢官之執定強所不見一辭納招可乎被打

時者證乃是其第其姪而第則曰渠先被打迴避不見

姪則曰只聞嚷聲認為被打

白是如

是中恭所稱叅見諸

人或初不上山或先逃避則詞證亦不可謂之明白矣

蓋殺獄緊情無過於行賂求和而犯人之乞憐問或有
之屍親之先索未聞焉今此求和初非致光之所為
乃是彩中之先發則此足為致光妻執言之端況且彩
中所索非直棺價賣其兄屍諱其姪眼微索而不念告
官趨起而屢延時日變幻致命之時刻圖成掩跡之奸
計者亦足為景哥輩發明之端雖然此不過屍親無倫
之致豈足為致光脫空之案致光乃以方強之血氣驟
聞偷葬之警報怒拳急走咆哮趕來則忿氣所使手勢
所及縱橫驅逐踊躍毆踢必是次第件事見其墳形但
言無可奈何推以常理寧有是也只見就三不見彩圭

似是掉脫求生之計而誤認地師之說既出於太英逢

見彩圭之招又發於墓直則其所謂不見而不打者必

是粧撰

是白

擔來而安受則其心之不能白白可知討

錢而不拒則其計之亦且區區可知所執傷痕雖非致

命之緊處年既癯老猝被壯年之毒手則無冤錄所云

雖歇處傷重則死者正謂此獄

是白

實目雖不明的既

有肩胛之痕則不可不謂之被打詞證雖不統同既有

趕逐之事則不可不謂之下手加以行錢一款終為難

明之端則殺獄體重依前訊推未知何如

是白

令該曹

稟憲

為白

景致光

段

還囚郡獄恭俟憲令

為白

干連諸

人一併放送

是白

○評曰此啓抑揚翻覆深得議獄之

體

刑曹啓曰此獄

段

屍親則曰肋脊被打檢官則曰肩脇

被打傷著於肋脊而傷見於肩脇一可疑也初檢則曰

實曰服毒覆檢則曰實曰被打痕損自在而執定相反

二可疑也肩胛脇肋之傷覆檢則曰紫暈三檢則曰青

黑紫暈則致命之傷也青黑則肉色之變也兩檢所見

如是相左三可疑也傷處則屍親之供曰左曰右形色則

檢官之報或紫或青將何以憑信乎檢用銀釵本是恒

例雖無服毒之說難廢應行之法

是白
去乙

初檢實曰既曰

服毒而覆檢三檢不試銀釵抑何故也檢體踈漏不可

無警

是白字矣

死者之瘡殘雖極兇身之手犯難掩先行賂

物以圖私和執跡以論將何昭脫不可以傷處之相左

檢狀之違式遽議惟輕如前訊推期於得情

為白字

覆三

檢官並只從重推考何如

判付曰黃景兩邊之說本不足有無獨邦衡大張鴻煒兩

人似為公證而衡大不見毆打光景鴻煒只干傳賂一事

又何從以憑信乎大抵致光之前後招辭直是推諉之言

別無粧撰之端而屍親諸招則隨檢隨變欺詐橫生傷處

則以左為右死日則回畫作夜此已無一合人理

是遣

黃彩

中之招曰誤認地師之說聞之於景太英則又何與大雄

對質

是隱喻

順受病人辦給葬需此為犯手之真贓而私和

之囑既出於屍親曰此圖免容或無恠且以事理推之瘞

老垂死之人半夜從嫂之葬豈必臨壙乎屍親初檢之招

亦曰歎嗽無幾如此奄奄者何以上山乎藉令彩圭之死

由於致光之打祖墳偷葬禁斷毆打本是常情況毆打之

跡終未十令分明者乎以此實曰以此詞證摸擦斷定曰

成鐵案終有押勒之嫌致光身

乞

叅酌定配

為

屍親黃彩

中

段

擔亡兄之屍索讎人之賂情狀痛惡嚴刑一次放送

為

檢官

段

初檢之不覈傷處覆三檢之不試銀釵大是顛

錯

除分良此

外此疎漏不一其端察之不明也故擇之不詳擇

之不詳也故覈之不嚴覈之不嚴也故言之如說夢其在

懲勵之道當如律重勅而近來檢官傳示檢案如印一板

誠一當禁之大端

于已仍

前此兩檢同異輒皆屈法勿問以

示各盡已見之路

乎是如

此獄雖難曲恕宜有裁量初檢官

安岳郡守金魯永覆檢官文化縣令李英澤三檢官載寧

郡守金基厚等一併罷黜

為旅

道狀條列難免忽略檢辭違

錯亦無可否諉道

臣

推考

自他之分二十二

斃於

根由

梓戔

語之

焚毒

永同民李次得殺姜中行

初檢跋詞曰實目

段

以戔

項致死懸錄李次得

段

以被告懸錄○評曰不見全篇

無以詳也然折項致死者犯人或歸於被告誠以自墮而折項者亦時有之也今既云曳項則曳者明有其人烏得以次得為被告人乎卽曳一字其全篇之踈謬可知也。

覆檢跋詞曰起鬧於放牛齕菽乘憤於揮拳執髻遂至殺越不亦悖乎聞鬧時着證之人見之既明病卧時慰問之人言之且詳

今此不喻

屍帳傷痕之外顯者項頸左右

髮際則艾灸之痕極其狼藉額頭左右腦脰則皮磨之跡亦甚分明卽此數者次得之摔曳致命不可諱也執

髻之事渠亦直陳禱神之節渠亦不欺執髻者捫曳之
明驗也禱神者恒怯之實跡斷案已成更無疑端第其
項頸向後搖之則殆無骨力向前搖之則稍有勁意又
其一縷之命延至十日之久乎是如如果折項則向前稍
輕踰旬不死有是理乎食飲之欲吞還流言語之欲吐
旋訥似緣咽喉之堵塞而屍親郭女之言初招曰不飲
不言三招曰或吐或吞其餘諸人或告死者之言語或
云舉匙而灌水則亦非塞喉而死是字但其委卧之日
項每仰天頭低向後干連諸人之招隣里衆民之言同
然一辭無少叅差是字未死之時每以項骨之違折不

得任意而屈伸不勝刺痛屢施艾灸

卧是如為

實曰

段

以

被摔曳遠骨致死懸錄正犯

段

以李次得懸錄

果是在

中

行新遭子女之喪便同喪性之人而苗生未久牛齕不

多

乙是去

不思隣保之義乃觸悲苦之腸哭子之日決死

以闢不亦悖乎

除令此

既云執髻可知摔曳况其手擢之

髮至於半掬之多此又摔曳之緊賊

乙是去

乃以臨死艾

灸作一詒櫛而摔曳之狀終不直招嚴刑究問期於得

情恐不可已○評曰不云折項改云遠骨抑何意也人

身諸骨無慮百數所遠者何骨也折項者前搖後搖並

無骨力而此屍前勁而後折故改云遠骨歟不知項之

為名本據後骨故前曰顙顙後曰項頸昭載於圖格但
使後骨果折斯謂之折項豈得云違骨而已乎違骨者
兩骨相銜之際不能妙合之名也此屍頭折而後垂全
無骨力豈僅違骨而止乎初檢曰或項覆檢曰違骨皆
於前勁一款有所疑顧而為此含糊也豈不謬哉且項
之違折不必爭也被打而折脇死者實目曰被打而已
脇之違折不復問矣被踢而折脊死者實目曰被踢而
已脊之違折不復問矣奚獨被摔而折項死者必於實
目並論其傷痕乎若於跋詞聲明此例而單以被摔二
字為實目上司未必曰違格也何不出此

本道啓曰此獄兩檢之案曳項達骨實因不合被告正
犯懸錄各殊頗頭皮磨近於曳項食噪色青襯於達骨
告犯之間戕害者同而初覆所見髻髻相似為白如乎惟彼
齟齬之牛甚於踐葵之馬涼處飼之是特古人之美事
移怒主者無恠叱隸之悖習折草者申金始有山上之
傳呼捨莠者丁得終見門前之赦解事端起於細微寧
有欲殺之心驚憤由於吝惜可見必打之勢且夫半握
之落髮尤是亂曳之斷案頭部之異於平人已存官前
之供焚毒之發於盛夏亦出理外之言地龍勸服是果
醫治之方屠狗為忌故驗寔遁之詞往來田野之事既

無立證祈禱痘神之舉實緣生怯縱以十日之稍久謂
非折項而致命方當二子之連化豈忍犯手於喪性况
於隣比之誼有此殘毒之變則中行之抱冤理在必報
次得之行兇難以終諱本事雖出於無情獄體有難於
從輕

是白
平乃

方令依式同推期於輸款

是白
齊

判付曰李次得獄事

段

詞證則沒把捉情跡則無形現以

至屍帳檢驗非癰損則灸痕初無堅硬黑黯等處則成獄

一款似有更商量

是隱
乃

鬧端起齣苗之牛聞勢若張距之

鷄拌髮而被傷既多曳項而受毒亦重則回而致死勢所

必至

除令
良此

潔沐淨衣躬禱神狀雖云全連彭之所懲患渠

若無犯顧何必偃樓乞憐於巫覡以祈其命乎次得身乙

姑令依前訊推

為有矣

言聽面稽若有叅怒之端勿以判下

為拘湏即報營仍又枚舉狀聞

自他之令二十三

死根由於咬壓疑于自盡
奸淫實因被咬

永同婦李召史殺官婢蓮臺初檢跋詞曰今此蓮臺

有夫有子非曰無親其夫不孫老妄特甚其子金發眩

亂為事父子一心終始漫漶

是乎乃

李益孫曰互相捉搦

劉召史曰無所省覺而金中器與金發酬酌之招有可

以覷得情實

是乎遠

糞門之突兀糞出湯合於法文所謂

出氣不得命絕之文

是乎疏

耳輪耳根咬痕狼藉而其中

一處內外洞穿可容一齒狀如破癰之鍼穴是乎左頰

皮爛處爪痕宛然是乎李女淫行蓮臺發之由此發憤

乃以糲汴抹口納吻如是之際以足接手其皮爛之痕

至於二寸則手毆之猛齒咬之毒推此可知氣噪心坎

既著青紫之色肚腹項頸又多膨脹之處若論致死之

根要不出氣塞齒咬之間是乎糲門突出雖與氣塞之

說相合若其諸般形症與無寃錄口齒咬傷條無兩差

爽故實目是乎以咬傷致死懸錄正犯是乎以李召史懸錄

為乎屍親不孫是乎聽言觀貌必非率性之人其子金發

是乎不思為母而報仇乃反聽人之慫恿先既發告後又

呈訴掩護凶人欲緩其罪不可不嚴究干連金中器

段

為其兄嫂誘其妻族欲圖無事容或無恠而獄體至嚴
不可無罪○評曰氣塞命絕云者謂外無傷處不得不
以氣塞執症也今此蓮臺之屍以耳根要害之地受口
齒咬傷之毒瘡口周回皮肉損爛與法文相合其為實
目明矣又何以氣塞之說交亂其間乎若云糞門突出
膨脹為氣塞之明驗則其實目之論理也又當劈破咬
傷明其毒之不堪表章氣塞顯其證之無他以定氣塞
之義兩騎作說豈容如是但其形證恰似服毒銀釵之
探亦胡不為也踈矣

覆檢跋詞曰仰面之耳輪穴穿合面之耳根傷處內外
相通口齒嚼痕十分明的耳根既是連死之處而瘡口
周回皮肉損爛洵合於無冤錄咬傷之文乙仍實因段
以被咬致死懸錄令以獄情言之屍親兩人始請償命
未云病死荒亂而不得變幻而無憑隣證之招亦復如
是○評曰覆檢專以被咬立義而無氣塞之說比初檢
明矣然糞門突出腹部膨脹無所劈破若營題執以為
說將若之何

本道啓曰蓋此獄事極狠毒也絕冤酷也被打於大寒
之時致命於半餉之間是白如乎至禍者婦人之性至醜者

淫、奸之說而乃以禍性、忽聞醜語則毋論本事、虛實卽
地、憤怒勢所必至、方其納穢於口中、決無順受之理、且
當踞坐於牀上、可見猛毒之狀、壯老不敵、咬毆交加、無
人救解、快意逞憾耳、輪缺落、明有齧之痕、心坎深黑、
必是重壓之驗、且其糞門之突出、鼻竅之血流、皆合咬
壓之文、扉外曳出、已有不孫之招、檣上僵卧、亦見劉女
之供而喪性之夫、不肖之子、無意報復、有闕倫紀、姒戚
勸解、雖無私賂之跡、前後告訴、都歸胡亂之科、而竄因分
明、詞證具備、其所償命、斷無可原、或以初不犯手、為說
或以無辭、發明納供、屢變其說、尚今抵賴、論其情狀、極

為狠惡

乙仍手

今方依式同推期於輸款

是白齊

○評曰此

啓行文條覺可悅但咬壓二字其在無冤錄本無連文
各為一證今云糞突鼻血皆合咬壓之文可乎然且糞
門突出口鼻血流本是無冤錄壓塞口鼻條形證與
咬無涉今武斷白瑛以為咬壓之文仍與初檢官之兩
騎作說爛熳同歸嗟乎惜哉

判付曰金幾之狀真諱判異不孫之招立落懸殊叅看但
稱橋邊之僵卧詞證泛說街上之傳聞外此疑端不一而
足元犯叢明之言屍親則甘心和應婦女聞聞之愛厥夫
則無意保抱尤萬萬恠駭初檢官所謂雖謂之氣塞殞命

亦可也者縱有鉤索之見不無然疑之意是如雖謂之三

字果足為折獄之符契喻是乙大抵鄉俗一有被打舁置讎

家以之施惡而討食觀其舁置而犯人可知矣金中器於

屍親為姪婿於元犯為嫂叔李女於此若無手犯豈為妻

姑反害兄嫂方其擔舁而徙之也不於妻姑之門必於兄

嫂之家者可謂真賊訊推時何不以此叢問目取招徑先

決放喻是隱事係淫穢有難遽決分付道伯出意見詳查狀

聞

臣議曰施惡討食者大明律所謂圖賴也圖賴之獄例

多自戕謹按無冤錄中毒死條云凡服毒死者糞門突

出肚腹青脹口鼻出血所列諸症與蓮臺之屍七分相
合安知被咬之後必無服毒之事乎初檢之跋道啓之
文皆歸重於氣塞惟其實曰執作咬傷以此觀之此獄
若非服毒委是氣塞但執咬痕歸之咬傷恐未必得情
也屍親之陳云病死

震
榆
云

安知非服毒之故耶

(The text in this block is extremely faded and illegible. It appears to consist of approximately 18 vertical columns of Chinese characters.)

欽欽新書卷之十八

泐水 丁鏞輯

祥刑追議 六

傷病之辨一

既受毆傷又觸風寒
根由使氣實曰傷風

康翎民金潤西打張莫奉 初檢跋詞曰今此屍體仰

面合面無他傷損而左額上有皮綻一處圓圍八分其

深一分按之柔軟是字額顙雖是必死之處皮損實非

致命之傷既不骨破又不腦出則因此致死必無是理

屍親張太壽檢前之招曰莫奉腦膛被踢額上被打是

為字令檢腦膛并無傷痕乃曰只此面皮之破亦足傷

命

乎是如為

被告金潤西招曰莫奉酤酒

幾愚說故以

足推擠使之退去則突入執袖欲與相聞故回避之際

取持烟管誤觸額上

乎是如為

看證許塊奉之招曰足入

左脇之時果為目見手持烟草之管又打額上而瞥眼

乍看踢之緩急打之輕重不能詳見

卧是如為

六寸妹夫

既無平日之嫌一言觸怒豈有毒打之理如果重傷宜

即委頓

乙是去

相聞之後行動如常依舊入直覓飲酒盃

其不重打即此可知

乎是如

蓋此莫奉醉中爭詰多費聲

氣半夜冷房觸冒風寒添生別症因以致命

乙仍

實曰

段以觸風致死懸錄

為

金潤西

段

觸風添傷雖為致

命之根委踢胷破額亦為屍親之執言於此於彼難免

被告之名

是乎

○評曰額角為必死之處皮破為致命

之傷

見法文

此所謂致命之傷當必死之處也深至一分

亦與摩擦不同若主所謂只此面皮之傷亦足致命者
豈過語乎雖其被打之後暫有行動法例所限本在十
日豈可與速死處同論乎設有風觸之祟其實目當日
被打後觸風致死豈可算謂之觸風乎且所謂被告人
懸錄原有兩樣若威逼冤誣而無手犯之跡者雖曰被
告其罪或至於論死若告之以拳毆足踢而錄之曰被
告則是白白昭脫之名今乃曰於此於彼難免被告之

各有若被告之目次於正犯為斯人陷罪之名豈不謬哉將以犯人錄為被告則備言無罪明其受誣然後乃曰被告人懸錄令也束之縛之曰難免被告斯豈夢覺之言乎

覆檢跋詞曰今此屍體為日已久渾體腐爛屢度翻洗只有一片之傷在於左額之角是如眉稜之上肉綻有

孔圓圍九分其深一分骨則不損

是乎

是乎腦腔被踢雖發

於苦招屢施法物終無顯著

是乎

論以傷痕雖不真的

揆以詞證實無參差者證諸人目見被踢

是如

屍親之

言曰被打翌日即委頓不過七日遂至殞命如無重

傷何至是乎如不錫打惟彼潤西何故何心連續粥飲

屢試藥物乎致命之日何故生怯自刺其腹乎聽其所

言亦似有理成獄亦難不成亦難是乎所謂傷痕既無

要害可死之法則詞證雖明難為斷案是乎相關之後

有此病卧則饋粥試藥必欲救出人情之常也致命之

日歸之殺死則引劔刺腹寧欲無訛生怯之致也無識

愚氓猝逢大患驚動之極妄欲自戕不可以此作為斷案

是乎

且云莫奉素有宿病潤西之招雖未可信者證諸

招皆曰因酒成病時時痛卧至於昨夏其病益甚屢月

苦痛不得立役於官門是如為屍親太壽亦以此說謂

之實然則其有宿病於此可知病雖暫歇根猶在身又

不知戒曰醉起開過費聲氣仍宿冷房又飲冷水因此

添病至於致死等以乎實曰段以添病致死懸錄為乎金

潤西段死雖不由於踢打病實有添於闔關罪疑惟輕

雖不償命死既由我難免刑配等以乎以被告人懸錄為乎

孫○評曰初檢曰皮破覆檢曰肉綻肉綻之傷重於皮

破皆所謂致命之傷也法曰以致命之傷當必死之處

不得過十日令果七日而死矣何疑乎實曰若是其模

撈半初檢云伊日相聞之後行動如常覆檢云翌日病

卧之後遂不更起則所謂行動不過步自闔場就卧直

房而已此與下葉尚之事大不同矣饋粥試藥自知其
打之本重也引刀刺腹自知其罪之難逃也真賊如此
確證如此猶云潤西非正犯不亦謬乎然且拳頭雖猛
本無肉絞之法足尖雖捷難至額角之止則令此眉稜
之傷果是烟管取打行兇之器雖少圖畫之例宜遵三
檢之報都無所論何也意此莫奉本以皂隸之屬性本
酗悖跡又孤單而潤西雖是同類夫六寸婦人品稍賢素
得衆心鎮吏鎮隸之等皆右潤西以圖傳生以為莫奉
之死本無可惜潤西之情誠有可恕上眩官聽疑亂獄
情以至此也昔者疾今日愈本無可死之理乃以昨夏

之病要證今日之死不亦寃乎真如所論其實曰又當
曰病患致死世豈有添病致死以為實曰者乎下一添
字一以鉤連於踢打一以牽合於冷房立意之苟且朦
朧一至是哉

三檢跋詞曰今此屍體為日既久舉皆腐爛

節

左眉上

一痕雖不骨碎略有皮脫斜長七分其潤一分其凹一

分

節

飲

此下

有

烟

說

素有寒病醉中相詰委宿冷廳本病

闕數

節

牛黃磨服挾感未發

節

屍體瘦殘有抱病積脫

之狀

節

屍體之間間紫色口眼之開唇之微綻手之不

拳沕合於無寃錄傷寒條

是

等以

實曰

段

以傷寒致死懸

錄

為予旅
救療自刺之說

此下有

者證切隣等皆是島中之民此距

本縣殆近百里遠囚邑獄情狀可憫今姑保囚於本鎮

是乎

縣監自此還官○評曰三檢之文尤多疵病檜不

足譏節以錄之

巡營題辭內此獄之至于三檢者傷處雖不緊重皮綻
既是打痕而初檢之云觸風覆檢之云添病不無然疑
有難輕斷斯歎屢檢以叅互也烟管撞著不過皮傷腦
脇受踢既無著顯則因此致命豈有是理投藥刺腹雖為
執言之端揮管傷額乃是邂逅之厄見其流血仍自勸
酒則心之慙愧於此可知以卽席慙愧之心見翌日委

頓之狀贈藥救療亦是常事

是遠

所傷既由渠手屍親將

告殺越則徑生虛怯有此自戕亦非異事

是遠

聞後之行

動如常證招既明本病之發作無時屍親亦云則終日

沉醉仍宿冷房宿病復發遂至致命不亦宜乎勸服牛

黃則惡寒發熱亦可推知且其屍身諸症洵合於無冤

錄病死條則謂之被打可乎成獄一款非所可論屍親

發告合被誣告之律

是乎矣

猶父猶子情或無恠叅酌放

送為金潤西

段

微損之痕既現檢庭則相關之罪不可

不懲待蘊完嚴刑一次懲勵放送初檢實目之錄以觸

風既無形證之可執又無法文之可據疎忽之失不可

無懲當該刑吏待用刑嚴刑次附過干連諸人一併放
送○評曰烟管雖小兩端有釳銅所鑄也以此打額其
無傷乎血出皮破至於肉綻一卧之後遂不更起因此
致命可勝言哉實目當日被打潤西當爲正犯但烟管
打人與砧杵鋏柄之打人者其情不同本意惟在於微
傷夢想不至於殞命原其情而恕其罪歸之邂逅以議
傳生斯固仁人之心也至若實目正犯一毫半點不可
以私意濶狹豈可若是其硬定乎乃欲以誣告之罪加
於屍親何其誤矣愚民之服牛黃者每云瘀血可解
未聞其傷寒退熱用此牛黃況言者之意必是傷寒發

汗之謂而三檢之跋巡營之題皆云惡寒發熱亦恐有誤初覆三檢其實目皆誤齊楚之失惟均魯衛之政無差惟執初檢之吏嗟亦冤矣

傷病之辨二

既受毆踢又觸風寒
根由使氣實目被打

果川民林少景打元召史

檢案關

判付曰林少景獄事

段

實目沒摸捉詞證不分明三度行

檢各執已見或曰破額或曰蹴踢而元無別白之語

是遣

月非變動之時而兩頰之痕或有或無

分此不喻

取謂者證只

是黃金兩漢而俱非目覩之人將何取憑據乎大抵元女之死在於相聞之五日則無論額破與脇傷少景之為此

獄元犯無容更議飲酒服毒炊飯自打等許多圖生之說

本不足憑信

乃是隱

實曰不明詞證不備而直驅之於償命

之科恐非審慎之義

是遠

亞當取云無冤錄傷風灌注將養

不效之文亦與此獄綿灸觸風之跡足為旁照之端少景

身乙加刑一次放送

臣

謹按初覆檢狀今無可考然一云破額則其實曰當

曰被打一云傷脇則其實曰當曰被踢意或兩檢之不

同如此故御判疑之也

傷病之辨三

新受奉毆旋觸風寒
根由失財實曰被打

金川民蔡有福殺嚴世明初檢跋辭曰今此屍身左

耳之上有破傷一處橫長一尺一寸廣四分深四分淺

黑色柔軟而口微開齒堅溺汚內衣與法文被打死條

形症沕合

乎是如

實目

段

以被打致死懸錄

果是在

當初北

倉受糧之夕蔡有福嚴世明大醉同行到松都大川村

金呂興家止宿

是如可

有福腰佩之錢兩睡中見失始起

開端醜辱相加乃以取枕之木枕舉而打之流血狼藉

以至致命

乎是如

正犯

段

以蔡有福懸錄

為乎

金采明嚴

明男

段

以死者之至親見傷處之極重宜卽救護綿燠

絮裹不使觸風

乙是去

但觀主人之苦色不念深夜之寒

威觸風冒雨衝雪歷冰數十里山路達夜擔舁而求錐

非重傷安得不死主人金呂興段見人之重傷當夜而

驅出證以人情極為無狀是乎行覓木枕圖盡上使云

云

覆檢跋詞曰云云與初檢同正犯蔡有福之招云投以木

枕偶然撞着又云觸風冒寒添傷致死是如為死中求

生款巧反拙是乎店主金呂興段重傷之人初不挽留

死於中路究厥所為極為無狀是乎行到松都島外村

病勢危急欲為借溫堞而島外村民亦不許接使之前

進言念風俗誠極可痛○評曰此獄與下松未李松年

之獄其情同矣耳上破傷之處深濶如此雖不觸風庸

得不死乎命在頃刻故金呂興不能留之命在呼吸故
烏邨村不能受之檢官之錄此兩民非平恕之論也罪
在兩民則此獄實目當曰被打後將養不效致死不可
但曰被打致死而已

巡營題詞曰云云

節

醉中詬辱初非激憤之大事睡裡

失錢莫辨誰某之所為則殺越人命胡至此極人中心
痕不過相聞之小傷脫身逃匿尤為亮身之斷案金呂
興

段

既知病重不使留救助給擔輦發軍挺去金厚三

段

不肯挽留終使殞命於中路揆以人情寧有是理並

只嚴刑一次牒報○評曰受屍則受檢受檢則破家君

子當之猶不受矣胡不恕之

傷病之辨四

實受棒毆謂觸風寒
根由劫財實日被打

松木民李松年殺吳命官 覆檢跋詞曰無冤錄曰史

破肉綻此致命之傷致命之傷當速死之處不得過三

日又曰他物打著其痕斜長是如為今此吳命官傷處

在項心左右其痕斜長史破肉綻此所謂致命之傷當

速死之處也命官之死不出三日實因段以被打致死

懸錄為字李松年自明之說一則曰金世同以烟管打

之一則曰吾若手犯豈可自來被捉乎以此二說死中

永生是字烟管落頭其痕凹陷豈若是濶大是字率妻

之行店主誘引其來豈可曰自來乎如此遁辭不足再

論

是乎

棒打之狀小漢既已目擊吾打之說百中亦得

耳聞

是如

惟彼兩人皆是他邑之民於此於彼俱無恩

惡

是

百中則義結兄弟尤當掩護而乃以松年為正犯

面質之時諸人之言如出一口而松年則胡辭亂說左

右動勦觀其舉止無所逃矣蓋此三人俱以營驛之餘

皆作破落之戶而松年尤悍驍勇喜侵奪善擊搏為

人睚眦久矣細察諸人之援據想見其時之光景松年

行兇斷然無疑故正犯

段

以李松年懸錄

為

金世同

段

烟管之說既被推諉有難輕釋

是乎

行兇器仗圖形

上使

為手

縣令自此還官

查官報狀曰此獄情節已悉於覆檢跋尾

是在

頂心左

右被打之痕極其闊大皮肉拆開赤血淋漓其狀慘酷

不忍正視噫彼松年亦人也以同里伴行之人片言失

意一棒打死身作如許之大變目擊如許之慘境即當

驚心悔罪縮首無詞而敢撰烟管之說欲逃拿木之誅

頑忍不服苟延時日

除今良地

其在獄中向人恒言曰與其

殺一人而償命無寧殺多人而快死

如是

橫枷打觸傍若

無人嚴刑取服依律處斷恐不可已

判付曰李松年獄事

段

渠以逋逃之卒肆行劫奪之習竟

相起開轉成殺事而屍帳傷處又甚狼藉此獄償死無容

更議然被打後觸寒為一分可疑之端乙仍特命道伯更

行查究是如道啓中若無松年之棒打則風寒所祟何從

觸冒云者可謂實際語反覆理會不必復疑分此居民惟

恐其生出囹圄行伴不堪其誅求酒肉如此之說亦登證

案渠之亮寧卽此可知松年身乙依前訊推期於輸情

臣謹按傷輕者本不至死而特以觸風之故不幸致命

則觸風可論若其傷本重者雖委諸曠莫之野觸盡扶

搖之風不足言也

傷病之辨五

痕損不明冷卧多觸
根由使酒實因內傷

价川民康萬郁殺某甲檢案關

判付曰去牛來馬狹斜相逢怒目奪蹊而不可加箠醉倒
荒逕而只見破笠夫豈有頃刻殞命之理乎鞭雖長不及
馬腹行人失牛邑人之灾正為此獄準備語乎是如奠鴈之行
纒返而盃酌不勝聞鷄之勢雖急而器仗至小被酒則劉
阮同歸起鬧則秦楚惟均當是時莫辨誰生誰死是可及
至幸者生而不幸者死歎曰不幸者不幸又使幸者不幸
焉則等是死耳初何有幸不幸之間然乎又况酒氣內戰
寒威外逼被顛此外委身於凌陰積沍之中雖非打也亦
所當死分叱三次檢驗無一傷處或曰被箠或曰內傷及

夫三檢之後捏合兩檢之文斷之曰醉飽被箠內傷致死
豈有如此獄體當該檢官令該府拿問寔之為萬郁身良乙
分付道伯嚴刑寔配

臣議曰此獄絕無痕損屢寔實聞雖非兩酌法當傳生
故寔分如此若傷寔分明實曰真確必不以兩酌赦之
也雖曰被箠而硬痕不著於外體斯之謂內傷也雖曰
內傷而眼力不及於臍腑斯之謂醉飽也摸撈如此再
寔三轉寔分安得不如是醉閑之餘委身冷汙未有
不死於道傍者又安得追咎犯人者

傷病之辨六

毆批不極汗蒸失宜
根由督債實曰被打

信川民崔特赤打私奴葉尚覆檢跋詞曰今此獄事

被告之人終不自服被打之時初無着證乃是乎傷處既

著無容犯人之自明死者有言不必證人之具備是乎

鼻頰間傷痕圓而不長其暈紫赤其肉微腫傷在左邊

與無冤錄被。人拳毆諸條節節符合故實曰段以被打

致死懸錄為乎特赤之言雖曰十月初吉之後更不逢

見乃是乎葉尚勸農之任也每市必入邑中特赤邑居之

人也相逢可收還上豈有不逢之理乎本來情義雖曰

相親以若微債至奪食鍋豈有不打之理乎屍親之招

既曰眼鼻再受拳打着證之招皆曰死者自言被打吃命

喻不特赤之言曰葉尚來到渠家自言被打於望金之父

此便是自服之言至若汗蒸一節雖曰相親之間不忍

拒絕渠若無犯則重傷之人留置其家身自扶護至死

不離有是理乎鼻頰之間既非要害被傷之後亦能行

步此雖可疑乃是乎重傷之人蒸以發汗風寒外襲毒氣

內攻纔出窖戶遂至殞命是如若不被打無此汗蒸若

不汗蒸無此急死正犯段以崔特赤懸錄為乎屍親金

召史段前後招辭雖曰顛錯老病昏耄不足深責是乎

縣令自此還官○評曰西北有汗蒸之法掘地為窖鋪

石為牀以作煖炕雜燒柴木烘若煉鐵土宇堅密一竅

不通乃納病人使之發汗氣鬱汗洽乃出審戶卽入冰
泉神氣清快去病如掃老弱多死不以為恨此蓋穢惡
之俗流入我邦也雖不被打死者相續檢官特不嫻其
俗耳若以被打之故取汗致死則實回當曰被打後將
養不效致死特亦當曰被告人懸錄而已今乃曰被打
致死不亦踈乎

查官報狀曰當初毆打雖無所逃特赤為人年近七十
特一貧窮老孱之物初非使氣凌人之類是鼻頰之傷

不在要害被打之後不甚苦痛還穀催納逐日舉職是

可汗蒸之餘腠理方開遽然脫袴風寒外襲猝然殞身

於蒸幕之中

是乎

參互情法博考律例則其蒸也雖由

舊傷之未復其死也實緣調攝之失宜大明律別目他死

條雖難直據無冤錄將養不效條正合傍照

是乎

如此

之類直用償命之律恐非制法之意

本道啓曰鼻頰之間本非要害被打之後亦不委頓家

眷里役勞動不憚大冬初寒奔走如常則傷之不深於

此可知及過七日毒氣始肆皮浮色青蔓延項乳已是

觸風之祟

是去

又不善攝馱牛遠去一日之內再度汗

蒸腠理方開遽脫重袴風寒外襲火熱相薄氣塞於項

刻之間命絕於蒸幕之中

是白

原初被傷雖曰由人末

後添症實取自作舊傷未復雖難直議於別回他死調攝失宜亦可傍照於將養不效乙何方今仁澤旁洽

幽冤畢伸苟有可疑之端宜付惟輕之典是白○評曰

鼻頰之傷設有腫毒無蔓及項乳之理此恐有誤

刑曹回啓與道啓大同

判付曰此獄段成獄三年迄未究竟當初嫌端雖緣食鍋

之暫奪末後逢場至有酒盃之相勸豈復有故殺之意乎

設使大段爭鬪喫他毒奉是良差役非殘喘之所自力里

任非病脚之所自強及其汗蒸之日脫袴觸風寒氣襲其
外餘毒注其內則其所致斃專係調將之失宜而遠引十

日前事勒謂之被打致死安有如許獄體屍親之招亦云
周行坊曲有所觸風則特赤之尚令滯因有乖欽恤之義加
刑一次放送

傷病之辨七

覈以搗踢親在滯
根由姦淫實因被打

善山民李三得殺林介金 本道啓曰一言始聞之聲
貴才聽之數次足搗之狀守丹見之灌藥救病可知犯
手之跡脫冠邀醫尤驗生恟之意而三得與守丹有和
已久因事惹鬧恣意毆打不日致死難免償命嚴訊取
服斷不可已

判付曰李三得斂事

段

醉怒僧頑忽移鮮紛之人足搗腎

囊難掩加手之痛况其盜妻憎夫之憾當著乘機下手之際畢竟姦淫之真賊尤為殺死之鐵案則潛通與否不必另查而殺獄至重令新道伯出意見詳考文案論理狀聞後稟憲

本道啓曰被傷要害不過頭部之見血腎巖之微痕而見血者未嘗犯骨微痕則止於憂皮因此致死宜無是理毆打之餘氣必恚鬱泡酒之屬喫或格滯手加腎巖頗似腹痛之樣口吐泡沫完是癰亂之症以此致命亦或有理詳考文案細究情跡不可議以惟輕之典不可置諸必死之科○評曰觀察使者中國之喉謂撫司也

絕之症介金之死似不專由於被打而若非三得之爭
聞決無介金之致命○評曰泡者豆腐也華言謂之菽
乳不可曰泡也若以其初漉時有泡而謂之泡則飯
之初沸亦有泡淳其將以飯而為泡乎窮理到底至及
於臟風腎絕亦過矣

傷病之辨八

斃以擗毆起在暑
根由差役實目被暑打

湖西民李應天打金致雲 本道啓曰脊背是要害之

處實曰無疑晦之端

是白
字矣

第念微硬二字異於堅硬之

文行步百里有非將死之人

不喻
今此

打之取傷真有危急

之形妻既同行似無落後之理

是白
追

行到箭川猝發暑

癰之病店主諸人皆見吐瀉之狀則傷輕病重推此可

知

是白如字

大抵應天驛差也致雲驛屬也強弱既殊搜捕

又急被毆不異於犬鷄夫妻泣別於歧路彼固可憤此則絕隣雖然償命之法至精至嚴必也死者之命絕於犯者之手然後乃可以此而償彼豈可以彼強此弱彼憤此憐一毫扶抑於其間乎半日茂草之中始既隱伏七月老炎之天繼又跋涉心內則煩悶腹中則虛乏被迫趨程中暘既深路遇流泉飲冷無數

是白如字

尋常行路

之人亦多暍死之患則致雲之死不可全歸於被打

是白

遭且肩臂諸處均是兩漢之所打則脊背一痕曷辨誰

手之所犯實目雖似明的而吐瀉為中暑之症正犯雖已完決而首從有混執之歎是白乎敢陳愚見以俟

命為白

○議曰所論明核中理蓋此脊背之傷本由推

擠之手屢被驅迫十顛九仆則痕損雖不深重暈病由於煩悶使之死者雖曰應天殺而死則非其本情酌寔雖難輕議償命果合持疑也

傷病之辨九

明由鈕毆翹在食滯
根由竊指實因被

義州民邊采江殺李德太

本道啓曰此獄

院

傷痕分

明叅證俱備罪人無辭自服至於考覆

是白

取見屍

帳取報行亮器仗圖則所謂松極其長數尺其大如臂

所謂鉏子其長數尺其鐵頭重

是白

果若以此猛毆亂

打真如屍觀看證之招則屍帳傷處豈若是細小乎四

處之傷分寸皆小謂之被觸於拔極揮鋤之際則猶之

可也若謂之專力下手則誠不近理

分此不喻

頭門太陽固

為要害之處而今以頭門下二寸半太陽下一寸餘直

謂之要害則無或差過於分畧乎假令傷處稍近要害

是白良直

分寸既短形色又微其中耳垂下血流浮硬處最

似深重

是白牙尖

深廣二分之傷豈至於午後被打申時致

命乎初檢狀曰口吐飯半匙許尚在口

邊

是白如為

斯豈

非殊常之證乎無冤錄暑死條曰眼合舌與糞門俱不

出令此屍帳與之相合

是如乎白

時當六月之望新飽午時

之飯旋出鋤草忽與米江一場大鬪氣憤而厥暑氣挾

食遂成猝中則半餉致死容有是理

是乎矣白

米江之自初

至今不敢發明者特以手犯之餘遂即致命耳垂之痕

掉脫無路也大抵獄情苟有疑端不可以罪人之自服

謂無可疑

是如乎白

中暑一款雖近臆料傷痕器仗既不相

應且無要害之傷不是致命之處其在欽恤之政宜有

審理之道

是齊

○評曰顙門下二寸半豈非取謂頭顙乎

頭顙顙門同入要害之處特有必死速死之別耳法曰

速死之處不得過三日必死之處不得過十日此特言

其常例耳。速死之傷或有過三日者必死之傷。或有死當下者。豈可以當下致命。遂疑其所崇之別有乎松楸。雖長頭顱。既圓圓之所觸其根本小。豈可以傷痕之不。大遂疑其器仗非真乎。但不皮破亦不皮綻。則危刻卽斃。無是理也。

刑曹啓曰。今此獄案實目真的。着證明白。雖以米江之巧。慝始或托說於速避間。又變招於飲酒而十日難掩。尺喙無詞。遂自承服。至於考覆。是乎白前道臣仰體好生之德。有此起疑之論。以臣淺見未見的。確是白極子鋤子其形頗大而顙門頗傍其傷甚小。器之與痕太不相

合

是如為
平矣

極則根大而稍細鋤則中廣而末尖何謂之

不相合乎兩處傷痕最為要害

分此
除良

耳垂之血流浮硬

若是緊重則豈可一例濶畧乎道啓中又謂被觸於拔

揮之際

是乃
平白

其拔其揮本出猛敵之意則既拔既揮安

有不打之理拳毆之說元犯自服足踢之狀屍親為證

時當酷熱極力闔關鋤極之外又使拳足神昏氣塞遂

至卽斃何可強歸之於中暑挾食乎兩眼之合雖載檢

狀舌與糞門初無所論捨其分明之實曰強死臆料之

形證有欠重獄體之道依前同推斷不可已

判付曰此獄

段

蓄憤於竊緝之恥起鬧於設芻之說卽時

行亮當日致命實目明白詞證俱備

分喻

奪鋤傷耳拔木

打頭既已一一承款於考覆之招而敢以飲毒之說忽地
變詞十三年同推一向抵賴究厥情狀尤極亮頑犇前道
啓論傷處器仗之不相應者亦未見的當細閱文案毫無
可疑采江身_乙依前同推

臣議曰頭顱額角部位雖重皮破肉綻痕損又深然後
方可致死今考諸跋其皮肉之曾與不曾破綻都無所
論意者其傷本不深重無異乎皮擦血瘡之類故檢官
道臣咸以為疑也道啓太不理勝曹啓亦欠舒究惜乎
行檢之初其部位之輕重痕損之淺深都無所論故歲

久獄老遂無追覈之路矣

傷病之辨十

顯然戰踴護之飢病
根由督債實目被踴

咸興民尹決殺金中集覆檢跋詞曰今此屍身遍身

青黑肉色癢動而左右脇傷痕顯然無疑此真法文取

謂打著要害分寸深重當下致死而申一星之招曰

兩人執髻足踢腰間則詞證亦明矣實目段以被踢致

死懸錄為手尹決之招曰死者本來抱病目飢添感怒

於督債擲身自盡是手屍親則曰年前腰痛近來微感

皆已差勝是如為屍親既有灸痕雖非無病之人腰痛

本非急症豈有猝死之理傷痕明白證招歸一雖欲眩

惑其可得乎正犯

段

以尹決懸錄

為

乎

干犯

段

兩人相

聞無人干涉故以無乎懸錄

為

乎

無

之

○

評白

殺獄未

必皆有干犯屍帳目錄雖填無字跋文論理何必措辭

此衍文也

本道啓曰此獄

段

當初相聞之狀既出一星之招其兄

其妻雖不目見告訴既明傷痕又緊成獄償命本無可

疑

是

去

始云被打終又被踢獄老生奸二三其說

乎

是

蓋此尹決交通屍親與之私和三書徃復奸情必露而

中好輩忘弟護讎背義愛詞情狀可惡

乎

是

祿

一星

段

怯

於威令前後變招手脚荒亂語不成說

乎

是

如

上項尹決

更加嚴訊俾伸三尺何如

判付曰尹浹獄事

段

獄老生奸雖曰有之未有如此獄之

至巧至密者

乎是如

以兄則證之以妻則憐之笠下私情獄

中委札可見其綢繆宛轉之狀雖使犯者自明何以加此

並與最初立幟之兩漢一辭變招卒不可破如非貨賂之

肆行豈能得人之死力至此哉此而漫漶不即成獄從此

諸道獄囚之稍稱饒雷者皆將符同屍親粧出變招三尺

至嚴寧有是也大抵兩檢後反案特是不常有之事實目

詞證宜從檢狀此囚

段

決不可據議傳輕依前嚴訊期於

輸款

為是

獄貴審慎另飭推官別出意見各別詳覈如有

可以登聞之端卿其具由狀聞為中好令色等蔑倫敗紀

不可數次刑訊而止並加刑定配為殺獄文案何等審慎

而本道則覆檢招辭一不載錄誤書疊書非止一二何不

照檢是隱卿則推考

傷病之辨十一新受毆踢素抱痼病
根由報惡實自被打

价川民李正白殺張德男檢案闕

判付曰殺獄傳生之規或曰傷處柔軟而實曰不明或曰

叅證違錯而詞案不備或曰其跡難貫而其情可原有一

於此乃可疑到是如此獄段腦腔脇肋等三處俱是血瘡

堅硬實曰不可曰不明也葉鄭劉尹等諸招亦無毫髮差

殊詞案不可曰不備也宿憾未泄新憤又激用意下手明
若觀火則亦不可謂之情有可原也但此致死人德男素
抱痼疾時當極熱與之相聞此顛彼仆乃被正白極力揮
擲於磊石之上猶能買食甜瓜轉至酒幕畢竟嘔吐不止以
至於致命詳其本末無或由於因病中暈是隱喻更令道伯
詳採事情嚴問囚獄出意見論理狀聞後稟憲

臣議曰雖有痼疾不被打傷其病未必死也雖當極熱
不被打傷其暈未必中也當極熱之時打痼疾之人不
可曰不料其死也當顛仆之餘擲磊石之上不可曰不料
死也煩悶之極雖食甜瓜瘀血上衝遂成嘔吐迷亂之

步雖至酒幕毒氣中亘仍以致命左右思量未見其生路也

傷病之辨十二

告以毆踢意在此病患根由督債實目被打

浚川民李戒昌打朴宗日

驗案關

判付曰按無證之詞揚難驗之罪漢儒有言而王政之當

戒者朝家於此獄亦以為然耳正犯是李戒昌緋云愚氓

尚有人心借令朴宗日轉輾推托不償所逋欲推渠一索

之銅輕殺他七尺之軀亦諸常情必無是事况孫執袂摻

手縱似聞鷄之狀分義釋憾忍有置鴿之理且考屍帳腦

膛脇肋諸般傷處俱不堅硬分喻者證諸人閱月訊推了

無變辭只云矢死無他不忍誣人雖使戒昌自為之說豈
有加於此哉唯彼諸人有何惡惡於宗日而無意右袒有
甚好情於戒昌而甘心立讎屢被箠楚之苦牢諱殺越之
舉乎又若朴堯文者士族也士族為此賤流忍杖不服太
不近理刑官之執此起疑亦云的確屍親之招曰宗日病
死之狀翌朝始知又曰宗日被打之說其妻來傳末乃曰
宗日病勢聞諸兒輩前後取援各相逕庭此殆以償債一
事積憤在中及此邂逅而致斃必欲憑藉而逞憾也雖然
毛孔血出目瞋氣塞等形症又何為而無端現出乎此又
難曉大抵疑罪猶可傳生年前審理初不舉論道伯有不

審之失李戒昌合施次律分付該道嚴刑減死寔配

臣謹按此獄似於相聞之夕分義共食朴宗日自此得

病而死有毛孔血出等形證屍親疑於羹中置毒有此
發告也未見檢狀不見詳也

傷病之辨十三

根年
由老
計被
奸搗
實氣
因絕
被無
搗痕

信川民李奉京殺崔太化巡營題詞曰實曰之無端

的詞證之不分明雖使可疑以理推之則太化之口足
以招禍奉京之心必欲辨誣想其爭鬪時頭勢必有殺
變而後已毋論詞證與實目無病之人被其揮擠豈日
致死夫孰曰太化之死不由於奉京乎既以殺倫之醜

談誣人於罔測之科則奉京雖是平順之人其肯順受其誣謂其癯老歸之妄言而止哉滾成詰聞至於拔毀宰屋則其忿怒之氣自不禁捥曳毆搥之交加此理勢之固然者也初以穢物納諸口中未又兩日往詰言根言根未覈忿心愈激驅往崔寡之家轉向文化之地則其間無限困迫無限威逼不言可知左右額角及脊背膝下種種傷痕明是爛熳被曳之跡分叱奉京之招夫既曰執手曳出可見其不敢全諱年老人被搥氣絕無痕而死昭載法文則奉京焉得免正犯之律乎李召史既聞醜淫之說豈無齊憤之心同往起鬧安得不助勢

而共毆乎終始發明誠極巧惡以檢官仍定同推官

去為

乎待用刑約日會推並加嚴刑得情

為

李東九

段

目見

太化顛仆之狀護之黑夜不辨搗毆而千京之擔還其

父也謂以何不仍置於奉京之家云者明知其被打將

死而然

是

金春已

段

相聞致死之說既傳於里任終諱

於檢庭俱屬不直並嚴囚取招餘外諸人別無可問之

端一併放送

為

李呂史

段

同往共聞松棒打背則當為

干犯而初檢之以干連懸錄大是做錯初檢刑吏嚴刑

次附過○按原檢狀必云被搗無痕故營題如是也凡

遇被搗無痕之獄宜考此案不可以癰老之故疑其或

船頭之婦宜善和柔不可平然其性

[illegible]

